





見睫錄卷之二

風俗

東方初有九種夷草衣木食夏巢冬穴檀君始教民編髮蓋首君
臣男女飲食起處之制自此始東史

武王封箕子于朝鮮都平壤教其民以禮義田蚕織作為民設禁
八条相殺以當時償殺相傷以教償相盜者男沒入為其家奴女
為婢欲自贖者人五十萬雖免為民俗猶羞之嫁娶無信是以其
民終不相盜无門戶之閑婦人貞信不淫辟其田野都邑飲食遵
豆有仁賢之化全

涇虛子曰箕子率中國五千人入朝鮮其詩書禮樂醫巫陰陽

卜筮之類百工技藝皆從以生焉譯以通言教以詩書使知中國禮樂之制君臣父子之道五常之禮教以八条崇信義篤儒術釀成中國之風教以力尚兵闢以仁服強暴隣國皆余之衣冠制度志全中國全上

芝峯曰八条之教三条外皆不傳疑並五倫為八条

東人好著白衣豈亦殷太師白馬之遺風歟

類說

漢書曰馬韓人作土室形如冢開戶向上我東土室之制久矣芝

一統志曰朝鮮風俗柔謹金鶴峰以為我國人性謙恭遜順入則

恤事親敬兄之道出則盡忠君事上之義士夫崇禮讓勵廉恥農

工商賈亦守本業无犯分凌上之習非但柔謹而已

曰補我國婦女貞信不淫壬辰天兵出來時劫奸一官娼、耻之
自縊死以娼而如是謂之貞信亦耳然倭賊與天兵十年彌滿婦
女為其污者多浸以成俗漸不舊全

國俗凡中外鄉邑坊里皆作契以相糾檢謂之香徒輿地勝覽金
庚信年十五為花即時人服從號龍華香徒今香徒之稱蓋本於
此全上

靜庵先生言 世宗朝士大夫服皆黃色而許稠則常著灰色袴
護蓋儉也此祖宗朝餘習而自亂後絕无世道之變也全上

今俗喜衲衣蓋出於僧家云全上

壬辰唐將征倭謂我人口角國礼樂文物動遵中華而軍民皆無

樂生之心者骨軟礼苛之致也蓋唐將審知我國風氣柔弱人心
脆薄而徒以浮文小節為務故民不堪命而至於此耳旬月之間
能察人國事如此公私聞見

馬尾裙無貴賤服者日盛成化間朝官皆服之此服妖也弘治初
始有禁例乃駿裙也史釋

故事八道各官皆有場市以便買迂惟京圻不得濫開場市蓋京
城為民人都會而且是不耕不耘之地必待四方之委輸貨物流
通有所相藉京圻近京故圻甸之民各以土產來京買糴則京中
圻甸相依為賴也近來各以一時之見續之開市經亂後其數愈
煩物華流通之路益滯而不達甚非事耳今京圻監司除開城

外一禁場市似當

白沙別集

京圻崇尚信義而篤儒術衣冠制度悉同中國天性柔順魯國多
賢詩書禮讓比屋淳死昏嫁之禮略同於華以兩手掘地為敬衣
服潔淨三年居服君子之國服色尚素元日相慶見人必跪與地勝覽
忠清與京畿略合民俗儉嗇

全羅俗尚儉利民不椎朴治家者多蓄穀以備凶荒刊肆交易南
國人才之府庫

慶尚地多山險民俗質朴務本節用農桑勤險夫耕婦織曲車背
筐土厚風淳山河秀異巨鎮雄藩繁華佳麗甲於東方

黃海務農崇尚淫祀

江原少嗜欲諱疾病尚學父喜游宴同姓不昏礼義相先作青肯
敬老會種麻養蚕邑落有侵犯者輒相罰責生口牛馬名之為責
禍

平安婦人貞信不淫辟天性柔順易以道御節飲食尚氣力好經
術尚淫祀士人樂業衢側悉構局堂誦經習射

咸鏡風俗淳朴愚直以馳馬彎弓為德動之以利妄為之然諸土
多瘠風氣早寒勤儉強悍尚巫祀用長轂車與藩車

並上

松都風俗比古頗變而質迂逐利之習漸盛以此人民富庶物質
繁華可謂冠於東方闔閭之屬錙銖有競耳若爭訟之多而淳龐
餘俗至今猶存簿牒甚簡

中甸
閑話

仁柔惡殺官吏有威儀風俗類中國士尚群律膝行必跪尚素

服男女中饋婦人髻髻端午秋千擊毬上巳青艾染餅

勝覽

耽羅俗尚淫祀每歲元日至上元山澤丘陵俱設神祀巫覡儺戲

二月朔日以槎形如馬頭者飾彩帛以娛神謂之躍馬戲治喪百

日而除略掘田頭起墳不用地理地瘠民貧女多男小女皆執後

或二三人四五人共櫬一曰而女發相杵之歌者調甚苦旋磨亦

然耽羅志

居人以海為家歲多漂溺男子之得莖者小男小女多故一夫

而數十妻者有之貧窶者亦不下婦之常力以食其婦村巷之

女鮮有伉儷每歲三月援兵入島時女輩凝粧來待於浦口

酒相狎迎至其家八日罷防則涕泣追送林子順作迎郎送郎

曲備記其事

類說

四俗不葬其親死輒委之壑壽中樞度為牧未上官先勅州人

使備棺槨以歛壆州之壆親自公始銘名臣

正月禁乘船人多壽考山无惡獸

輿地勝覽

嶺東海夫少漁採為業故服父母喪百日而除趙适俞持謙為高

城守下令曉諭定行三年喪隣邑亦效之

本狀

吾東人喜立地主碑碣以寓去思之意而礼安一縣自古無立碑

事盖退陶先生之教也先王曰太守民之父母能否何可或

立或否以別彼此耶以故至今不立焉

安東最重座首之任非有德行門望為一鄉所推服者不許曰有
政丞退老為座首金鶴峯誠一以舍人還家鄉論孔為座首俄有
執義召命公喜曰吾乃令知官矣類說

會鮮谷 風月主 憂息曲 坦切歌 陽山歌 確樂 黃昌

舞 蚊川 鮑亭并慶州歌謠興地勝覽

金海土風好石戰自四月八日始端午日大會城南豎旗鳴鼓授
石如雨至死無悔庚午征倭時以善授石者為先鋒賊不能前安
東俗亦然又府西苌村下界兩村每歲六月晦長竿懸旌雜樂以
祀神同會飲角觥名其神曰太宗神其戲曰七夕戲七月十日乃
罷以妨農費財或罷則惡席橫行咬害家畜邑誌

府東三十里沿江要渚村民居六百餘戶屋舍相不事農業販
魚為生俗甚淳朴一家有客則諸家各以酒饌為禮昏嫁喪制
皆然一家有淫行則諸家共責之又力學多應科者

與他
勝覽

金東隱字顯所撰書南冥行錄曰所居書室皆施丹雘蓋取其明
淨也洪忍齋所撰柳辰全全碑文曰節儉自持所居第宅不施
丹雘竹泉閑話曰沈頴相建源營造妻家至施丹雘李延陽詩曰
賜茅在鑄洞此本光海朝首相朴承宗家也壬辰亂前所建故內
外廳事丹青至今宛然國朝全盛時京師氣象之繁華可知也耳
目習熟南冥以處士猶不覺華侈即今無論忠戚貴主祠宇外未
嘗丹青習俗之侈人如此

壽谷
集

宣廟五年壬申傳于政院曰身體髮膚受之父母不敢毀傷孝之始也我國大小男女必貫穿其耳作環珥而懸之取譏於中國亦可羞自今晚諭痛革大哉王言可以化民俗也

全上

順興有富翁嫁女數百里地婿張旅軒後也父以學行子以文學祔女歸二年富翁往見之甥從資餉甚盛行未至女家二里隔一小畝有菜女三四為伴其一女也翁招而坐左驚曰土風一至此哉採山耘田賤婦職也士夫家婦女乃為此乎饋之菓果五六食其一儲其餘欲收遺菜伴也女曰夫家父子有事山間不可報客而撥田男乃談于路左日仄造門焉竹林果苑葦床書几依然廣門光景日會主人方還父驅牛子負耒左鎌右鉞見客不交一語

安頓田甕飯牛訖乃出禮服韡子乳止甚閑暇款曲寒暄疊々談
詩殊死田問勞苦色入夜有一婢子以隣婦人語々于女曰明日
宅後田鋤了前傭未可酬與女曰家尊遠至明日從容待款前傭
未敢唯命隣婦即為遜辭謝之蓋婦人前司諫子婦也午間菜女
皆顯族也翁將改娶甥一來甥曰亟耕夜讀自宵至秋冬又講會
山堂閑漫出入燕不敏為僕決科之日可以進叩床下云蓋其俗
淳實甚有上古遺風

錄

軍兵

世宗元年己亥五月倭寇庇仁又寇黃海道以領相柳廷顯為三
道統制使叅贊崔潤德為三軍節制使發三南兵一萬七千人壯

三百二十七艘持六十五日糧凡四十日凱還拜首相上親執
爵以賜之又命世子行酒可見祖宗朝兵力之盛威武之神

謹記

我國平時中外軍額十八萬零戶保通計則五十餘萬而亂難凶
荒之逃故甚多雖年々按簿覈定流亡絕戶尚未多充竄由士族
困窘者众而應役之民小也若不大段更張恐死善策前朝紅巾
賊直擣松京恭愍王避走安東合諸道兵二十萬董得平定可見
勝於今日也

類說

我國戰船制甚宏壯倭船數十不能當吾一艘李忠武公船用以
制勝然元均代舜臣則以百餘戰船敗而無餘舜臣代均則以十二
戰船摧敗六百艘敵海之賊亦在乎將得其人而已

全上

北道士馬精強甲於東方而亂後生當日耗比平時大縮且本道
武士終身苦戍不得登仕於朝以故不樂赴北可謂寒心類說

北道士馬雖云精強所謂抄送軍 百名皆以貧賤无依之人

苟充且不知弓馬一年應役只是兵使、喂備納柴炭而已如
此而可望他日之得力乎只是親騎衛八百名可比關西之別
武士差為驍健耳

馬銳出於西域倭奴輩今得其制壬辰之亂我國人多死案由於
此我國亦自此今得一云我國大砲始於爾未有判事崔茂先者
學得元焰炳正云全

歲庚寅倭將平義智者獻馬銳槍刀等物自此始有馬

德忠錄

甲午二月設訓練都監初平壤之復也

上請謝都督李如松問天

兵前後勝敗之異如松曰前來北方之將恒習防胡戰法故戰

不利今來所用乃戚將軍紀效新書禦倭之法所以全勝也上

密令譯官購得其書難曉使領相柳成龍與從事官李時發等討

論又得儒生韓嶠為郎專掌質問于天將牙門及還都令設訓練

都監柳成龍為都提調武臣趙倣為大將兵判李德馨為有司堂

上文臣辛慶晉李弘胄為郎倣力能舉一巨石能超一丈墻者入

旬日得數千人教以戚氏三手鍊技之法置把總哨官部分演習

悉如戚制數月而成軍容大振常宿衛扈從國家賴之

國朝
寶鑑

軍兵中父子三人編於行伍除其父兄弟四人除其兄先賢後裔

除奉祀王子孫七般賤後

自隸羅將日守清軍水軍烽軍驛保

外充定良後

受教輯錄

歲抄脫漏十人以上守令罷職三人以上降資二人以上杖八十

監色一人以上全家徙邊歲抄全不充定守令罷職監色全徙軍

軍兵以生為死以存為逃靈祿廢疾避役容隱閑丁者守令罷職

監色全徙物故老除而仍為徵布者勿論多壯守令亡職軍士在

喪者願行三年正兵以下戶內保代立

典大

近代將兵諸臣愛獲軍卒若保嬰兒雖軍門有事在人任使坊民

難役一並減除或有犯禁被捉及作擘問卷者法司欲保律科罪

則主將多般周旋期於脫出使召在軍籍者騎橫日其元從願忌

其平日安逸如此而脫有緩急可望冒死赴戰乎以此輩下士卒

一朔勞後不過三度習陣而已或當大駕展謁凌寢則扈駕軍馬
雖如宣靖凌之近端汗股栗至有道問顛外者蓋以平日安過
其家未嘗勞其筋力故也

壽谷集

京外軍兵諸額總數

東伍軍二十一萬一千三百八十餘人

所二萬八千八百三十

七十四萬金三萬九千一百八十七慶四萬八千六百六十三

平二萬二千一百八十九萬一萬六千七百十七江九千

一百八十四萬咸二萬

九千二百二十三

所

騎兵三萬 千八百餘名 保九萬三千五百七名

所

○忠四千三百六十五○金六十二萬○慶五十二萬餘○平

四千三百六十二○黃三千四百七十二○江二千一百餘○

威親騎南

北各八百

步兵六萬二千三百二十九
保萬
千名
所一萬一千一百

十口金文七十八慶六十一百十三口平七千三百口黃
二千二百口江三百八十文口咸二千六百四十口

禁衛八萬八千五百八十八名
戶保馬保標
御營凡五十一名

二十三名
訓局四萬三千四百十七名
馬保砲保
總戎二

萬四千二百四十五
米馬保標下
鎮撫二千六百九十名
管

理軍五十二百三十二名
馬保
各道巡牙兵十四萬一千九百

四十名
馬保標下並
水軍四萬七千六百十一名
烽軍一萬一

千四百七十九名
保二萬九千一百二十三
新選三千三百五十六
保四十三

百五十五
漕軍三百七十二
保二十二
水夫三百六十二
保三十

津夫一百六
陵軍四千七百四十奴婢五萬六千九百十

城鎮堡募兵二万五千四百八十七 有廳雜色五万六千六

百五十五内

各道戰船一百四十七 電船五 防牌船二十二 兵船二十五

三十
新改

新六十
新改

統營

戰船四十隻
二隻 防船二隻 電船

慶左水

戰船十七隻
電一隻

全左水

戰船七隻

一隻

慶右水

戰船十七隻
電一隻

忠水

戰船十四隻
電一隻 防二隻

圻水

戰船六隻

兵九隻
防九隻

黃水

戰船十三隻
防二隻

平

兵十隻

旗幟帳幕十年一次改備

大同米
劃給

京外戶口
丁卯

京戶三萬四千一百五十三口
十八萬二千五百八十四
圻戶十五萬七千四百七十五
口六十四萬五千五百五

十二忠
口九萬二千三百三十二
全戶三十一萬七
口百二十萬六

百五十九
千八百五十七
慶戶三十八萬四千五百八十九
口百六十三萬八千二百四十四
江口

九萬七千四百七十七
三十萬二千二百三十七
黃戶十三萬七千三百五十四
口五十二萬二千四百八

平戶二十九萬二千二百六十六
口一百二十六萬八千九百八十九
威戶十萬三千六百
口五十三萬三千七百

三十五
八百十六

田賦

箕子井田在平壤南門外田中有井名曰箕子井韓久庵百謙欲

究其制乃考殷周步數異今尺寸長短逐畝折筭卡其區畝則每

區七十畝各為十畧限而縱橫皆八通計六十四區為一大畧派

方、正、迤邐數里正陽舍毬兩門之間最為分明乃作井田制
之不合其篤於好古如此噫自秦開阡陌而井田之制无復可尋
孰謂殷制之在我東者其遺跡歷數千載而不泯耶然非久廢孰
知其詳若是耶尤可尚也

類記

箕子井田區畫宛然云而其區畫之制本非井字形則其補以
井田者妄也自箕子二千餘年千燒万戰之餘城郭山川亦多

變易况可信其田畧之尚存乎

葉泉集

太祖朝侍中趙汝請草私田置科田於京所以優士大夫置軍田
於州郡以養師徒以至鄉吏津院皆給田、有定制國有成法各
有分限不相侵奪兼併絕而田宅定賦歛薄而衣食足俸祿厚而

廉恥行倉廩實而國用足云々

國朝實錄

國朝貢案燕山時所增久為生民之病 明府甲辰始設所改定
考其邑力殘盛田結之多寡土產之有元酌量彼此挪移均適宿
弊頓革生民康瘠而防納刀鎗之弊倍徙於前胥吏戈利勢家隴
斷公用不加而民力重困是實由於元紀綱元廉恥之致若不大
改更張則此弊無時可已

芝峰類說

田分六等每二十年改量成籍藏於戶書本道本邑一等田尺長
準周尺四尺五寸五利二等五尺二寸七分九利三等五尺七寸
五利四等六尺四寸三分四利五等七尺五寸五利六等九尺五
寸五分實積一尺為一把十把為束十束為負百負為結一等田

一結準三十八畝二等田四十四畝三等五十四畝四等六十九畝五等九十五畝六等一百五十二畝各等田十四負準中朝田一畝常耕者祇正田或耕或陳者祇續田大典

金應河鐵原人徵時為量田監官均田使欲令高其田品以厚其稅金執不肯曰薄田厚賦民不能堪非但一時貽弊必將万代歛怨吾不忍為也均田使怒杖之而猶執前見均田使始愧而從之

公私
見

光海朝李完平元翼請設宣惠厅趙浦渚為郎行大同法每春秋民田一結各收米八斗以時俵給各司私主人使自質納上供諸物而優剩其數使主人亦得以自質此外不許升米加徵於民戶

先海命先試圻甸巨家豪民皆失防納大利百道沮授先海倭欲
罷之而以圻民言便故行之仁祖反正初公首入相請通行此
法于八道而以都下浮訖止行於關東

澤堂集

大同法粟谷始為一結一斗之制而不見用至完平先行於圻甸
後二十年權吉川昉觀察洲西乃取完平之意平倂一道田後出
入為緊法事未卒行籍而藏之金潛谷靖自為儒生時有意於此
記藏囊中及仁祖戊寅按是道發視其籍歎曰治民之道不外
於是入朝未幾際遇孝庄遂開大令廳坊為贊皇使通壽一
道田案元問田之大小惟視結數多寡每結出米十斗山僻州縣

準米出布咸委翰京師

東州訓正宣忠碑

大同設行湖西辛卯年湖南壬辰京圻癸卯嶺南己未山郡仰木
湖西六斗湖南八斗嶺南七斗京中皆以五斗計用而勿論山海
邑米布皆給主人

受教
輯錄

顯廟癸卯有圻內量田之後圻內土薄无一等地而王室至親家
水陸之田例免其稅故上司勸令官家田土陞以高等曰官庄無
稅置之一等无妨矣楊州監官金姓者爭之曰官家免稅不過數
十年而已未有百年仍存者此田散於民間復更問耳既為民田
之後則薄田所出不足以供優等之稅必有無窮之弊上司不聽
後皆如其人之言民多棄而不耕人皆追思之

公私
聞見

逐年隨其時起田畝每結收米十二斗以為京外一年之用分其

邑之大小殘留置餘米以為刷馬及科外之役餘米不送之邑
以隣近有裕官充給別卜定自京可備之物勿為分定大典

兩西田畝諸官家切勿許折受官家免稅大君公主田而結王子
翁主二百五十結圻田根本之地理宜優恤則以四等作首田
則以六等全

稅米漕轉敗船之地營門稍遠則馳告邊將一二洛出如或仕他
偷出不肯違將定配虛錄致敗顯露者監色一主沙工並禁示格
軍嚴刑配米太一二徵捧

京圻稅入太六千二百八十三石收米三萬二千三百三十六石
惠清太一萬二千四百五十一石米二萬二千八十二石仰木八

百八十五同收米十萬四千八百餘石全羅太一萬五千一百八

十一石米五萬八千二百三十七石伴木四十同收米十三萬四

千七百八十七石慶尚太三萬二千二百十三石米四萬二百十

一石

公伴木倭料三手糧并入此數一
年伴木小不下一千四百二十餘同收米十四萬四千七百

六十五石內

本道儲置
六萬石零

黃海太一萬三千五百八十一石大米九

千四百十五石田米二萬四千三百四十五石收米四萬四百六

十六石江原太六百八十三石田米五百六十六石大米二百九

十九石

伴木一百二
十六同零

平安大小米大並一萬四千六百餘石而以

元結三分之一伴太二伴米而兩畧比他道收三分之一稅收米

則直路邑每結五斗僻邑如一斗大數二萬五千二百石零並入

軍餉咸鏡太一千六百六十八石田米三千三百三十六石大米
八百八石依開西例收錄軍餉而田每結太三斗零田米一斗零
苗每結大米二斗六升零田布九百七十二同小米九百七十石
續田所入移入大同合稅入太九萬二千六百十七石田米四萬
八千四百四十七石米十四萬三千一百三十六石收米四十八
萬七千三百五十四石

戶曹
騰錄

軍資監平時有三十萬石故癸巳倭賊退後尚餘四五萬石以助
軍餉以賑飢民今倉穀不滿萬石脫有緩急何以濟之

趙顯

一年頒料三穀都令十一萬七百十八石

廣興倉百官雜職大米一万八千石太九千餘石 豐儲倉內

官米三千三百石太一千四百四十石 軍資監各衙門將官

館學生禁軍

米二万三千二百八十石
田米一千八百石

太二千三百二十石

別營

創訓局軍兵

米三万九千六百石
田米六百七十石

太六千石

令則皆以十二付

料故比此加倍

八道漕船站記

牙山倉漕船十五隻每船沙工十六名每名奉足三名或屬邑

公州燕岐全義溫陽木川牙山清州天安

羣山倉漕船十九隻船軍全上屬邑全州金溝恭仁長水鎮安

任實金堤

法聖倉漕船二十八隻船軍全上屬邑光州綾州潭陽和順長

城淳昌南平同福丹邑

聖堂倉漕舡十二隻軍同上屬邑高山珍山錦山莖山雲峰
南原

左水站漕舡二十隻每隻沙格十四名奉足二名式屬邑忠州

鎮川清安槐山閭慶咸昌尚州安東龍宮醴泉比安

右水站漕舡八隻沙格十五名奉足二名式屬邑瑞興平山谷

山新溪

八道田結總數

京田三萬一千八百四十七結六十七負二束忠田十五萬五

千七百四十七結六負七束全田十五萬八千八百二十四
九百四十四結六負七束

結六十三負四束
十一負五束
慶田四十七萬五千九百九十四負五

棘黃田四萬二千八百三十七結六十七束
平田五萬五千一百一十一負五

千三百七十八結
咸田二萬四千八百一十二結
量後加耕四千

結三十江田田四萬一千八百八十九結五十七負三束
開城田四萬一千八百八十九結五十七負三束

千九百三十結
江華田二千七百九十七結

合田四萬七千三百五十一萬九千一百九十一結十九負五束

庚子元帳付

京十萬一千二百五十六結
忠二十五萬五千二百八結

全三十萬七千七百一十一萬五千九結
慶三十三萬六千七百七

丁卯除雜項實結總數



京五万五千九百七十結 忠十四万五千四百七十七結 全二
十三万三千八百七十二結 慶二十三万六千四百四十四結 江
一萬四千四百八十結 咸六万一千二百九十九結 黃七万一
十八百九十九結 半七万九千六百四十一結
合八十八萬三千五百四十二結零

雜項撥數

官屯田 主旗節度使 二十結 匡鎮節制使 十結 大府牧二十

結 都護府郡十六結 縣驛十二結 諸鎮五結

衙祿田 大府牧各五十結有判官則加 大郡縣五十結

郡縣田十結 站五結

公須位田 府州郡縣各十五結 大路各十結 中路五結

驛公須位田 大路二十路黃海加五結 中路十結兩界加

小路五結

兩界加三結

驛長二結

副長一結五十負

急走五

十負

緊路加五十負

大馬七結

緊路加一結

中馬五結十五負

緊路加五十負

小馬四結

緊路加五十負

院主

大路一結五十五負

中路九十負

小路四十五負

津夫

牙祿八結

大渡

津夫八十結五十負

中路九十負

小路四十五

負

冰夫

每一名一結

祥灾

太宗四年吉州海水赤三十餘日四年茂長浦水赤七年安樂海水赤泉流又赤如血二十一年巨濟海水黃赤小魚浮死河東海

水黑濁如豆粥三日江陵大嶺竹結實如恭穗粘如蕙苡味如唐
黍人摘取為酒食咸吉道和州有土色如黃蠟味似木麥飢民作

粥餌先飢

東周
雜記

世宗丙午摩丘山鳴群如撞鍾崔潤德西征時軍上忽有白氣如

疋帛日官曰大勝之兆也果大捷

類說

成廟朝成化癸卯寧海府地大画有烟氣夜有大光投以木則成

火長八尺許廣二十尺許

丙辰丁巳錄

後苑生瑞蕊一幹九枝砌石培之燕山仍以尊金為游苑之所

野言

中廟庚午雷震太廟木末年景福東宮灾 二聖繼涉之禍適出

於其後

全上

中庙戊寅五月京外地大震 太庙殿尾飄落廟內墻垣塌倒家
舍顛仆人皆露處以先震壓其後赴京使臣回還言蘄州寒泉縣
有白龍一里龍一乘雲而下口吐火焰隨而風雨捲去旁過民舍
三百餘戶船數十隻飄入半空墮地粉碎乃今日也全上

明庙癸丑將重修景福九月大内又灾迨及思政殿甲寅始重修
全上

宣庙朝雨清明外岩石間有液流出清者如酒濁者如餅人爭取
食見日堅凝不可食類記

戊寅飛雉蔽天石澤已卯南中月魄墮地天中元月全上辛巳軍罷

寺池水湧半丈江畧有夜明之變夜色如月人影落地全上

戊子六月穩城地夜有大塊如人佩弓矢飛而向北雲雷隨之如

冰圻之鮮

東周雅記

戊子漢水如血

全上

己丑江水如血京江上空廣津水色黃濁如血數日

日月錄

己丑平壤城中有豹入城大同江水赤東濁西清

德勝錄

辛卯京城西放及仁川蛟虫分過相戰死者皆斬耳瑞山桂戰忠
州釐虎東海魚產於西海、州青魚移產於遼海遼東人謂之新

魚

全上

壬辰四月十七賊報至忽有恠鳥鳴於後苑三一鳥而鮮滿一城

終日達夜人无不聞

全上

癸巳元月白氣自西北亘天橫貫太陽旁有雙虹圍暈數匝七日

後天兵克平壤

東國雜

甲午大飢鳳山境生異土粘滑如真末末和米作餅食之療飢

全上

壬辰後丙申忠州之水魚斃多死之皆无頭海西之地盤石移去

甲十餘里小石進隨者无数沙礫如飛雨

錄日月

乙巳七月安过大雨半日境內民家盡没人畜沒去全村无一遺

者翌朝視之牛馬鷄犬山禽野獸水族之堆死於洲渚間者如山

木皆根撥填塞數十里人不通行是開創以來未有之變或曰非

天下雨海翻而為灾云

類說

丁未訛言取人膽之說盛行白面城中之人不單行傳及外方八

路皆然人心惶惧道路阻絕數月方定其灾異由至明年 宣庙

昇遊全上

光海癸丑十月野雉入都城遍於市肆市井小民相爭捕食如是月餘異哉日月乙卯京城北青門外岩穴流出如酒餅之物食之

依似又家猪產人石佛動舞南原牛產兩頭憤鳴則解出兩口全上

丁巳十一月二十一日大雷震廢母之論始起又於其年六月北

青甲山等地白蝶自西北流入如長蛇陣連二日不止全上己未京

城大災自鍾閣銅峴至南別宮延燒數千餘家人畜多死全上庚申

有怪鳥自日本雲毛滿塞海上過巨濟至智異山中交戰死者積

堆臭聞山外其餘向北飛去全上癸亥二月十九日日暈二十八日

夜三更蒼赤氣起自坤方向天中相搏四更東南亦然三月十一

日午時乾方天地俱震十三日 仁祖反正^上仁廟乙丑順天地

大雨山崩沒五百餘戶畜死者無數^上丙午結城縣海邊古有石

碑忽有七大石自海中出來至碑下而止昌城大雹如人面鼻眼

皆俱全丁卯二月雨血草葉皆染^上戊辰安過大雪人家壓破鷄

犬小兒多死^上己巳日暈內青外赤色如血自是三月無日不

然七月昧爽青紅氣非虹非暈立于坤方直指中天廣可數十尺

^上庚午二月雷震 太廟門外柳木^上辛未麻田縣牛產犢兩額

兩鼻三目兩腮四頤順天縣民獻白鳥^上壬申冬天雨赤雪而因

大雪十日人多死於道中^上癸酉秋雷震仁政殿棟柱星墮高山

縣化一拳黑石漢城池水猝變血色池魚盡死^上甲戌狗生一犬

二驪這安地有恆馬飛集无數旋即自斃体似兕雉是如鼠足又
慶尚道嘉德地牛生犢二頭四足大丘地牛將產而死剝之犢一
頭三目兩鼻二口二舌又礼安縣川新流乃黃池下流洛東之源
連三日涸絕人皆著履過行而上下水流如常全

景城大水人多淹死大風折木近來无变

甲戌十月
四夜話

丙子仁同凡於坪大白鶴南北結陣移時相戰固賊縣大中小石
无數移行有相搏之狀安山地有三大石出自海中大同江过数
十里野鴨成羣連日交戰咸昌恭儉地小鴨数十餘日交戰仁
川蘓來山上峰有石自移過兩谷立於西麓其間歲六七百間取
行成溝深可數尺楊花渡水淺自奇徂夏舟船不通有似辛卯之

年日錄

平安道大鶴結陣相戰至京師而不止兩鯨入京交戰一

鯨先

全

丁丑八月雷震南漢山城行宮殿宇京圻富平地陷十餘

丈其溪元底慶州地大生大岩石尽燒爛

全

顯庙甲辰年間忠清道人家劈柿木以薪之中有上下和木四字

字法方正如墨寫洪武正韵体者溫幸時從官皆得見之有父士

解之曰此乃上下和睦之兆也忠清兵使閔震蓋曰以吾觀之從

今以往朋黨之禍大起上下紊亂終必至以木相打吾老不及

見公輩自當見之

閑錄

癸丑閏中有群鼠遍滿於御室至近之地

而白色者多現象監官聞而憂之曰當黑者白必有喪故翼年

仁庙大妃 顯宗大王兩國喪出全甲寅六月大内池中有蓮花

并蒂耆老謂不祥八日

顯后升遐已未秋有異

仁敬王后上

賓壬戌又有此異

明聖王后礼涉全滿后已未有大入坐儲局

丞相之座遺矢而去庚申兩相臣賜死甲子年間有狼夜入設政

府覽食家狗已巳兩相臣又賜死癸酉犬異一如已未翌年相臣

又死全已巳三月十六日

上親祭

莊烈大妃魂殿忽有月食

既蓋非當食而食也其四月

上始發廢妃之教二十五日異斗

寅朴恭輔等拷死五月初二日

中宮殿遜于松茅全已巳五月

中宮因氏殿下遜于安國洞松茅官供既絕兄弟家松借餽羞以

朝夕之一日進一生蟬鷄

妃命放于庭以養之其形漸異久則

化為雄雞庭中玉梅樹枯已三年忽然開花未一年而以甲戌四

月復坤位全甲戌訓局熒熒乃忽有錢痕印在墻壁常平通宝也
字及訓字、宜明白其理不可窮其四月朝著变号訓將李義徵
賜全

兵革

辛卯青倭國群言有假道入大明之意朝廷憂之以金帛為慶尚
監司李洸為全羅監司尹國馨為忠清監司令備軍械修城池起
井邑縣監李舜臣為全羅左兵使錄月

辛卯五月倭使玄蘓等至京城書館壁云蟬忘螳捕魚游喜鷺
眠此地知何地他年重開筵至東萊書客館云明年若得東風便
六十七州談笑中至壬辰四月十三日平秀吉遣其將平秀家等

三十六箇領兵入寇行長為先鋒兵船四十餘艘蔽海而來是日
乘曉霧直侵釜山僉使鄭撥死之十五日陷東萊府使宋蒙賢死
之十六日陷梁山十七日陷密陽十八日陷金海三十日 上西
狩到沙峴東方向明主惠陰嶺雨如注初更到東坡驛坡州牧使
許晉略設御厨扈衛人終日飢困亂入奪食將闕上供晉惧而逃

全

五月一日 上次開城全諫劾領相李山海交結宮禁主和誤國
命罷之以柳成龍為領相崔興源為左相尹斗壽為右相斗壽自
進表請命赴入台鄭澈令赴平壤是日 上御南城門慰諭
人民有請台鄭政丞者 上即命台赴行在口知卿素有忠義大

即可急赴平壤與俞泓李恒福等同護王子 上至平壤金臣請
竄李山海從之

日本國以我不通使臣起怒辛卯春始遣通信使黃允吉金誠一
倭酋將平秀吉驕傲無比答書有率兵起入大明之語而朝廷恬
不為動至壬辰四月十三日倭兵二十五萬號五十萬犯境先陷
釜山東萊郡縣望風奔潰四月晦日車駕西狩衛士亡散更漏不
鳴昏黑中上下觝觸市街笑弄相聞

懲錄

上次宣川移咨遼東請內附前此上國偽言不息兵部遣人來覘
上接見于義州黃應楊見賊僧玄蘓等在中壤遺本國書拊膺下
涕曰為中國替被兵禍而義葬未暴反受惡名天下寧有是冤乎

仍回報事情甚悉兵部力救奏請七月 皇帝命遼東副總兵祖
承訓率兵五十渡江攻平壤兵敗先鋒史儒等死承訓走還又遣
鄭崑壽請救于京師至十二月天朝大興兵以兵部侍郎宋應昌
為經略軍門都督同知品從一李如松為提督軍務總率南北官兵
四萬餘人救本國副總兵楊元為左協大將副總兵王惟翼王惟
貞參將李如梅李如楫楊紹元及先鋒副總兵查大受孫受謙參
將李宇游擊葛逢夏等咸統之副總兵李如栢為中協大將副總
兵任自強參將李春芳游擊高策錢世禎戚金國弘模方時輝高
昇王問等咸統之副總兵王世爵為左協大將副總兵祖承訓吳
惟忠王必迪參將趙之牧張應冲駱尚志陳方哲游擊谷遂梁必

等咸統之叅將方時春為僉禦韓宗秀為旗鼓兵部員外郎

從六品

表黃為贊画戶部主司文惟新督餉特命陪道馳援又差游擊張奇切等發銀釋買菑糧弓面火藥等物搬到義州轉運沿路以濟

軍餉

日月錄

壬辰六月 上幸義州達行宮翔原堂居焉 上聞平壤陷移咨

遼東連請內附時本國恠被訛言或言朝鮮引倭鄉導欲謀上國

兵部遣黃應陽等來覘實快回報事情甚悲中國乃發一枝兵來

救又遣沈喜壽尹根壽等告急十一月乃大發兵

龍灣錄

壬辰大駕至龍灣李五峯好閑製教書諭士庶有曰涼秋乍過
地且寒也維已冬余將何故危彼長江亦流于東思敗一念如水

治、辭意思到聞者下淚全

賊陷釜山僉使鄭撥死之又大浦僉使尹興信東萊府使宋象賢
死之金時敏徐元礼成守璵金十鎰崔慶會黃進高滋厚死於晉
州趙宗道郭逵死於南原高敬命父子柳彭老安珪死於錦山趙
憲七百義士又死於錦山金汝昕死於忠州金鍊光金悌甲死於
原州沈岱死於朔寧元豪死於青川李舜臣戰死於巨濟元均李
億祺崔閼敗死於巨濟申庭汲死於忠州李洸潰於龍仁金命元潰
於臨津又潰於平壤此外死於清邱者不可勝計癸巳四月京城
獲天兵入城、中遺民百不一存、者皆飢羸如死日氣烘熱人
死及馬死者暴露臭穢行者掩鼻崇礼門以東循南山下一帶賊

所止舍處重不焚燒宗座三廟及鍾閣民舍皆蕩然灰燼而已

德

上去卯至松都百姓至集迎駕其中元識之輩高拜呼之曰主上不念國事全以眷愛後宮富厚金公諒為事今日到此何不令公諒擊賊耶至有向上投石者侍衛單弱不能禁蓋公諒即仁嬪之兄也其歛怨於一時可知

公私聞見

上幸義州有內附之意俞泓奮然請留死於本國時昇平日久民不知兵猝遇變亂土崩瓦解賊到處如入无人地柳西崖成龍以體察使擔當國事接待天使兼攝軍務臨機應變事皆立辦李梧里元翼以郊巡察使統領閑西撫摩召募調兵餽餉未嘗乏絕李白沙恒福李漢陰德馨相繼主兵軍情倚重金千鎰高敬命郭再

祐趙憲爭起義兵所在勦滅鄭公崑壽血誠請援人擬之中色胥
李公舜臣竭力禦侮為中興第一功克復平壤之後崔簡易製
捷書車五山天輅作露布李五峯好剷製奏文時經略宋應昌提
督李如松每爭功不決及見奏文宋乃擊節曰東國有人矣李亦
曰願識此人姓名 上聞而嘉之特升通政野言

按當時不可謂无人才而臨戰則到處覆敗在朝則惟事業伐
古之人才固如是乎李文忠實中興第一人物而猶不免臺論
以鄭松江目之為奸凶也尚何說焉李忠武以當世名將惜乎
大事未半長城遽崩也文人則果如所論而未聞以筆鋒掃賊
也哀哉

倭兵初入郿城誘愚民不殺戮近京避亂之投入滿城癸巳天兵
攻拔平壤進逼京城倭賊乘憤半夜焚蕩盡屠一城百无一脫乃
正月二十日也每年是日陰曠愁慘怨氣使然類說

癸巳四月倭撤兵南行西湖體察使鄭澈京畿江原體察使俞弘
率將士入京城收掃陵寢焚蕩之餘平時四物一无所存極目丘
墟金命元南下時歷景福宮基址作詩曰蒲茅初嫩柳眉分太液

池臺帶夕曛却羨當時杜陵老江頭惟見鎖千門全上

倭变出於倉卒一國殆无乾淨地惟湖南一道湖西右道獨士女
多畋之且倭人以國人為鄉導故无遠不到幽險之處避亂之人
争相投集反為賊所殺者不知紀極至於北道地勢如瓶項一入

而不得出先者甚罕反不如在平地隨賊去向東西奔竄之為愈也

全上

我國州郡在壬辰變初屢被陷或奔潰不守則有之矣無一人降附於賊者惟會寧土兵鞠景仁及批府城執王子及宰臣金貴榮黃廷義北兵使韓克誠會寧府使李瑛數十人迎款于賊以景仁守會寧鞠世弼守鏡城賊退批吉州評事鄭文孝等起兵討誅景仁等又甲山人殺南兵使李渾送首于賊以為鄉道至癸巳朝廷遣府使林恂討斬反者二十餘人然後始定北道人心強悍難馭也

全上

癸巳大饑各道民人流離失所饑莩相屬人相殺食山中草葉松

榆皮根皆盡甲午夏民困益甚大牛之餒不過米三斗細木一死
易粟數升人多剝食死骨咽下而即死者疫兼發飢民尽死况
且天兵一日屠殺百牛故四境牛馬雞犬殆盡一時劉都督綏設
賑南原飢民雲集賴而少延未久尽死一唐人醉飽嘔于路中千
万飢民騷首拾吃弱者未及却立呼泣此一路可見他道之慘

日月
錄

倭亂時大戰祢平壤幸州金烏鴿梁屠城之慘晉州為最

李忠武舜臣率船四十艘列巨濟与元均合兵謂均曰此地海
狹水淺難於回旋不如佯退誘賊至海澗處相戰也遂以旗揮其
船退賊大喜乘之既出隘口公一鳴鼓諸船一奔回棹海中以大

砲碎賊紅烟焰漲天賊死者無數遁入釜山不復出一日方督戰
流凡中左有血流至踵公不言戰罷始以刀割出凡深入數寸視
者色黑而公談笑自若捷聞上大喜拜統制使欲加一品言者
以為太濫升正憲元均又爭功構誣甚力玄風人前縣監朴惺者
亦承望時論訛言弊臣可斬朝廷以元均代統制而拿公來榜問
一次減死充軍公之老母在牙山憂悸而死公出獄道過牙山成
服即往權慄幕下從軍人皆悲之元均為統制與愛妾處運籌堂
不接軍士大敗開山島多殺將士權慄檄召而杖之均憤懣醉卧
賊又襲擊均大潰走至海過或言為賊所害或言逃走開山既敗
賊乘勝西向郡縣次第陷沒上下震駭金命均李恒福進曰當起

李舜臣耳從之公至琉嶼收拾兵船十餘隻分道招呼遠近雲集
元不喜悅賊將馬多時善水戰相遇於碧波亭下公以十二艘載
大炮乘潮至順流攻之賊敗走軍拜大振時天朝水兵都督陳璘
性暴與公同在軍中公盛備酒饌待之士卒死不沾醉相語曰果
良將也公得首級則輒讓於璘大悅每言公非小國人物若入
仕中朝當為天下上將何自困於此土上書于上言公有經天
緯地之才補天浴日之功云遇賊于海口大敗之賊焚船二百餘
艘殺獲元數送至南海畧公力戰飛丸中其脅出背左右扶出帳
中公曰戰方急勿言我死言訖而卒

懿必錄

癸巳六月十九日倡義使金千鏐等守晉州城兵不滿三十賊三

百餘騎陣北山城按兵不動翌日賊众大至終日交戰城中射
殺三十餘人賊稍退其夜三進三退賊死无数至二十五日賊於
東門填土為陵作土室俯視城中放丸如雨忠清兵使黃進亦於
城中對等高陵進脫衣豎親負石男女感泣竭力助等乃放大銃
中破賊窟旋又改造三進三退夜又四戰四退翌日賊作木檣裏
以生皮各自負戴以放丸矢未毀外城、中以大石滾下射矢如
雨賊又退賊以大木設板屋放火於城內草屋尽蕪又遣書城中
諭以納降城中答書曰我兵戰死而已况天兵三十萬今方夾擊
汝等尽死云、辜臂叩之曰唐兵已尽退矣三戰三退夜又四戰
四退二十七日等五阜結沙為柵俯臨放丸城中死者三百餘人

且作大櫓為四輪車賊數十人各穿鉄甲擁櫓以進以鉄椎鑿城
府使李宗仁有膂力連殪五賊因束大灌油而投之櫓中之燒死
二十八日一賊伏城下放火薰進中凡而死二十九日賊奴上東
門相對搏戰兩陣死者如山賊大呼突進於西門城中軍皆潰
千餘走至真不樓子象乾相抱投江而死賊屠城作平地死者
六萬餘人自真不樓至南並屍積尸相枕塞流而下无一入降賊

者
錄四月

壬辰倭變 乘輿西巡國內空虛賊兵充斥号令不得或於元國
為踰月矣三南義兵傳檄遠近自是民始有向國之心州郡士子
在名募以義將祿者幾至數百以至恢復及事定之後悉以

軍功作為隊伍或分防海津或上番京師且將帥出証空手而往
戰敵之賞先以應之不過如設禁軍免賤而已一張告身未免虛
泡以致軍情懈怠而怨苦日極空名虛惠非但因民失信他日有
事必不得力

類說

丙申七月鴻山逆賊李全鶴嘯聚無賴進臨林川等六邑都元帥
權慄使兵使李時言洪州牧使洪可臣討斬之搜其文書有金崔
洪三姓云云元帥問韓玄玄招曰金德齡崔聘齡洪季男也皆捕

誅之

日月錄

丙午日本遣使求和遣呂祐吉等報之以通信為嫌改稱曰奉使
尹同知安性作詩曰使名回答向何地今日交隣我未知試到漢

江、上望二陵松柏不生枝

為澤集口倭掘發宣靖二陵故云

癸亥二月以張睨為都元帥李适為副元帥助中朝討建虜上

親餞于幕華館手賜御刀推轂以送适素憾反正日易將之事忝

烈又不得一等及是出外顯有快之色

錄日月

甲子正月李适反初适逆武果能文善書有名称癸亥青以北兵使未及赴任叅義果部分規畫皆出於适而論功時以新預抑之為二等适大不平是夏朝廷以虜患為平安兵使兼副元帥适大怒遂蓄異志文晦李佑等竒自獻玄輯李适韓明建等謀叛上大臣訟金瑩以為适不及李貴崔鳴吉皆以為适必反累爭上前貴怒曰金瑩必与适同謀故称其寃及适反報至瑩惧請亟誅被

逮人竒自獻等以絕內應 上從之李貴爭不可墜入對更請誅
自獻等四十餘人金吾郎至這營這斬之乳兵反朝廷震駭以李
守一為平安兵使以李時發為副體察使往禦之時都元帥張晚
在平壤以南以與為中軍使安州防禦使鄭忠信為副將仍問忠
信曰此賊有上中下三策以銀蓆厚結毛將據有清川以北為全
一道此上策也陰結奴酋依仗鮮勢中策也間道疾趨直向京城
下策也以汝料之當出何策忠信曰必出下策無疑矣遂驅後赴
難賊先入京城晚用忠信計與平兵南以與黃兵邊渝柳孝傑中
景瑗等引兵疾追先據鞍嶺而陣李守一憂之諸軍夜登人馬喧
嘶是夜東風大作城中不聞其聲翌日賊引兵仰攻官軍尽力擊

之人皆殊死戰李時發送軍入彰義門先立漢幟戰方酣風勢忽
變賊在下風自卯至巳賊死無數迨大敗出興仁門而走至利川
墨坊里其黨奇益獻等斬之並斬明漣獻于公州行在堤至昭川
為軍官所縛獻于軍門都元帥沈器遠訓將申景祺等縊殺之潭為
正月二十二日迨斬禁都率手下兵萬二千降倭一百三十名發
發字過移京城時張晚在安州与本牧鄭忠信分部諸邑守為備
禦計二十四日張元帥狀啓入來都下涵惧二月初八日上出
狩到漢江 大妃 向蚕頭日又昏津人尽遁舟楫未準百官頓
足上下皆以為扶抱投江宣傳官禹尚中限死滯江捕得五六小
艇終夜奔涉九日至沙平院日晏潤膳南原府使申浚進薏苡粥

及乾柿固達水原 大妃落後不許南幸賊兵朝夕入城事多危
疑東陽尉申翊聖招出永安尉洪柱元叱之曰 慈殿若不回駕
令公當先伏刑永安泣達此語始下令回駕是夕 上到水原至
於氣塞及聞此報 上病小瘳九日午後賊到京城十二日 車
駕至公州駐蹕道路艱窘不可言至廣亭店父老以葷食笑迎
上嘆憫之駕入山城令兩湖兵守之賊入城以與安君璉為主璉
不慧初護從渡江中路逃散諺適於軍適心薄之而不得已而姑
立以脅民心按覘之破諸將繼殺璉初適入城吏胥與僉具冠服
出迎坊民治道路鋪黃土而迎之二十二日 上還都日月
明璉誅死其子潤逃難於順岩家

潤前為義州判官後及昭顯親王
岩故往接

隱伏三月走入虜中時姜弘立以投降功為征東將軍屈殺金景瑞威熒赫々潤誑弘立曰本國以君投降論以逆賊掘君先人冢殺君大夫人而潤亦以君之門客罪及三族幸得脫身來降因痛哭於庭弘立槌膏憤怒至丁卯大發蒙古兵及金兵四萬使潤先導進陷義州全務殺僂及到平山弘立叔父姜紳以請和使來矣弘立見之始知為潤誑悔恨廢食飲酒以死云

龍灣錄

丁卯正月虜騎三万夜襲義州姜弘立朴蘭英為賊鄉導韓潤交著華服引賊入城府尹李堯判官崔今亮死之朝廷遣張晚李景稷金起宗鄭忠信等禦之虜進陷凌漢山城擄定州牧使金播郭山郡守朴由健殺宣川府使奇振弘立等詳聞我國反正之舉始

大梅安州臨兵使南以興牧使金陵自焚死監司尹暄黃海兵使
丁好恕皆棄城走報至大駕出避江都領相尹昉右相元譙等
從之李元翼等奉東宮下湖南虜至平山講和而還朝廷以宗室
呂原君祿為王弟出質尹暄論死沅丁好恕于穩城前澤記

丁卯音浙江人徐孤臣在昌州遺書昌城守金時若曰今虜騎數
萬下向義州必意在東國望急時口備云時若飛報沔尹李莞
意謂虛喝拒而不聽及賊到城下人告以見形莞曰皆是文龍之
欺我也及賊登城又請給軍器莞口置簿然後出給其籌登時此

類也

龍澤
歸

以金尚容為留都大將呂裊吉為副尚容以民散難守焚御庫及

兵戶曹諸倉仍奔江都露梁津頭有糧十餘石亦悉散失相吉收

船董載二百餘石而去

日月
錄

朝廷遣使講和弘立与胡差九人渡江進行在弘立等肅拜引見胡差上不答其礼胡差大怒送驛舌開論曰以晉昌君姜綢為回荅使以送胡差刘海等一時還去全

或言私立廿心事虜金景瑞率降倭欲殺虜酋則弘立密告於虜殺景瑞等虜犯遼東則弘立設策下之累与韓濶請胡酋入寇當時虜兒亦惡其背本責退之及弘太氏代立恩請不已遂

成是禍及到我境見其叔父綢始知家眷保全乃講和云全上

講和時礼物木綿三百疋白苧布三百疋虎皮百令豹皮百令全上

正月与虜講和五月胡差刘海領数千兵与質子昌原君出来並

軍兵於中路平家丁数百直到京城命宰臣迎于門外海以自

上不為親臨怒詔之狀目不忍見上不得已接見設酒酣海

願与天顏相接適口上問姜弘立對曰胡人大盟也一適則平

生不負上曰然不可從使弘立諭之海請与上扣背又問弘

立對曰此亦一誓也上從之續雅篇

金累差龍骨大入境又入京城氣色驕傲亂止簡慢掠奪貨物无

數龍傳

壬申胡差又来言當革兄弟之盟更結君臣之約待來使以天使
之禮且索黃金萬兩白金万兩五色布十万同白苧布一万同精

兵三千戰馬三十疋朝廷以黃金非取產以虎皮代之折半備給
修御單以付春信使胡差裂破御單棄卜物而去癸酉春信使朴
簪賁去礼單綿紬八百疋苧布八百疋豹皮六十丈水獺皮三百
丈霜紙八百卷

全上

丙子二月胡虜改國号曰清使龍骨大偕蒙古差到義州請与共
尊汗為帝國為臣事三司交章請以大義峻責嚴辭痛斥以折僭
逆之心館學儒士上既請斬虜使以明大義不報胡差等不辭走
入民家攘奪牛馬我國音信使羅德憲回答使李廓適相值虜庭朝
賀脅令同叅兩人以死爭之至被曳辱終不允羅拜呼万歲及還
到義州平安道儒生等上疏請亟下尚方劒斬二人頭梟示境上

入送瀋陽以為振作之計諫院請斬二人言甚激切命二人編白

馬劔山日賊徒三年

錄日月

戊午北虜動兵之後固未嘗一日忘我而猶不加兵於我者方有
事於天朝崇禎元年戊辰正月弘立率虜騎來侵禍且不測朝廷
用計結和而遲十年之間不事兵革務循姑息索之則与怒之則
恟數怒而秦元已及至丙子金國汗僭稱皇帝差遣龍胡
抵書悻慢朝廷恭怒始有作和之說而惟以連禍為慮遣羅德憲李
廓等以回春為名姑示不絕之意而侮辱而使拘迫因繫大義不
屈始許生還朝廷益怒不送信使永絕和好而惟崔鳴吉一人以
為內元自強外招兵釁非國家之計力陳疏章重被全詳危難迫

前人莫敢言識者憂之是年十二月十二日昏都元帥金自点狀
啓賊騎犯境云十三日聞賊已到安州十四日朝到中宗社位
板及官人王子皆向江都 大駕御南大門日巳申時自京出戰
之一人馳至駕前曰賊已到延曙 上御門樓百官騎立令訓練
大將申景禎結陣于慕華館百僚蒼黃同知所惜吏判崔暘吉曰
臣与李景稷偕往賊陣急請和好以慢其鋒 上須臾此入南漢
山城 上曰可即回駕 世子執鞭者已走矣親執策以行隊伍
仅仗散乱顛仆笑拜震天駕至南漢日巳昏駕前先導五六
人幾至城門有野鹿經路一黃門曰此吉兆也須幸公山之日亦
有此異矣二更始入城崔暘吉啓曰細說和好之辭頗以順言答

之云十七日敵兵已圍南門 上使洪瑞鳳再三往說賊曰必得
王子為質然後可許和好世子泣請曰事迫當出仕 上不答下
哀痛詔曰一隅孤城和好已絕內无可恃之勢外之奴子之援云
讀畢百官痛哭十餘日之間 或出戰而我之殺賊不過十人
賊之殺我過數百人諸道援兵不來惟忠清監司鄭世規狀啓入
來獻三雉丁丑正月初三日體府提崔鳴吉手曰吾意与令公无
毫髮異而其於士論何崔公曰官為萬古罪人不忍置君父於必
亡之地乃撰國書有書清年芳之說大憲金壽賢力手之鄭蘊金
尚憲獨守戰之說終不得行初五日南兵使徐佑申咸鏡監司閔
聖徽狀啓入未十五日忠清監司鄭世規兵使李義培慶尚左兵

使許完右兵使閔泳皆敗沒世規脫身逃走義培不知去處完泳
死於賊鋒全羅兵使金浚龍已到龍仁慶尚監司到忠州木溪收
合散兵云十七日清人答書末端云欲生則出城欲死則出
城一戰以聽望天之處今蓋其書中所言耳不忍開口不忍道十
九日崔鳴吉撰國書入闕札判金尚憲奪取裂破仍痛哭兵判李
聖求入曰令公雖得千古清名置兩殿於何地乎曰令公方為副
察使惟一戰而已何事於和聖求曰以令觀之則可戰乎可和乎
令公之意如此則何不去清陣自明耶曰令公執我遺賊東陽
尉撫劍曰力主和議者當授此劍刺之金尚憲鄭蘊待罪曰臣等
以平和上疏當出清陣以死矣二十二日江都陷是日清人陸地

行舟到軍事津口先放牐礮舟師二十六隻及檢察使金慶徵
留守張紳忠清水使姜晉昕等不戰而潰賊以扁舟渡津如入無
人之境既至南門大臣金尚容洪命李時稷沈觀宋時瑩皆自
決死前領相尹昉弃宗社妃嬪妾着常漢衣服竄身閭家為內官
所得內官金仁負元孫而出終始保全此人之切也賊必欲得斥
和人城中將士又糧尽悉亂奔謀詣闕而大呼曰斥和人等苦難
出遂則使之擊賊如何二十七日朝廷知江都失守之奇上乃
決出城之計二十八日崔鳴吉撫國書洪瑞鳳持泣龍胡口近日
寒甚元乃為勞洪相等曰受皇勅如大旱之得雨何勞之有龍等
曰麻田浦已等受降壇皇帝自出來明日到此行礼可矣降時例

有面縛輿櫬舍壁等節目今姑除之洪曰國王常着衮衣以此服
之乎曰不可指崔藍衣曰當着此服而來矣曰出南門乎龍曰南
門乃正門也衆人不可出入由西門出可矣行礼後甬王則不為
卒去此後切勿更通南朝還時欲擊檄賊舟師砲手整待之世子
一大君三公六卿之子弟各一人卒去事已定矣國寶則當更鑄
以給新定歲貢白米一萬石白金三千兩白布一千疋虎皮三
百令黃金一百兩一年三次撤兵之事未約之前送兵三千于下
三道三千于南北道既已傳令以招待其還當撤去矣洪等曰諾
龍等與崔洪等相語甚款有若素交者然二十九日命軍官李英
達等率兵和人吳達濟尹集出去上聞門痛哭移時而止三十

日龍等未坐于城門初上促出城百官拜辭城內笑拜如雷
軍兵奴隸亦皆流涕下人輩欲訪父也妻子排門爭出兵判中丞
祺拔劍欲斬乃止上至清陣行礼後汗以刺繡衣豹裘一襲白
馬一疋賜給乃設宴而罷上還宮世子及兩大臣留置陣中汗
以策指沈誦非大臣出之二月初一日清兵解圍而退所陣處
有稚兒老病呼笑而已留城體府李弘霄使老除官婢收養初二

日始撤兵開大門任其所之

南漢
記

下城後每歲方物春秋黃金二百兩白金二千兩水牛角弓二百
部豹皮三百張鹿皮一百丈茶一千包水獺皮四百丈青黍皮一
百丈胡椒十斗好腰刀五十把丹木二百斤大好紙一十卷五爪

龍文席四令花席四令白字布二百疋綿布二千疋細麻布四百
疋細布一千疋布一千四百疋米一萬石故擊楫時砲手四百
名軍糧八百石戰船百隻云、又北宗室依恩君德仁之女以行

錄日月

平安監司洪命耆勤王千里路遇賊兵相与力戰兵孤力弱為賊
所殺兵使柳琳亦於金化地遇賊力戰大破之人皆頌切都元帥
金自忠則身提銳卒出沒山峽竟不赴援縱賊遺君都元帥沈死
遠領率南北兵還還不進孤負南漢君臣之望西道副元帥申景
瑗起兵之初旋被俘擄偷生負國南道副元帥尹瑀擁三關之众
既不能指揮諸將以致敗績且不赴南漢朝夕存亡之地江都擒

察使金慶徵以靖社忽臣任分司之重寄主管兵樞不能設計防備
及賊渡津之初歛兵出陣於甲申崑上恟於涕躡炮二三拜不戰
而潰乘船渡海因念宗社妃嬪王子与私親苟活一身得罪公私
舟楫大將張紳亦以靖社忽臣專管舟楫自恃天塹无虞戒口及
賊卒至惶恟不知所為聞炮拜尸居樓船不進不進而賊渡津
妃嬪王子老母存亡如視弊徙逃海苟生老清兵使姜晉祈不次
起用得拜閫帥變生後來任甲申不戰而潰兩司亟請加罪上
以紳慶徵前功且不忍加誅賙之死姜晉祈及虞佚述以揚斬首
於市諫官又以大臣尹昉身任宗社安危陪流江都不能固守偷
生負國請置極刑上姑念其點南漢守樞百官各以功次賞職

大備酒饌上親自犒軍于介華館體察使金湜及四壁大將申景
禎具宏李時白特賜內厰馬一疋其後命設万科勿論公私賤以
柳葉箭十五个一中以上或鳥銃六柄一中許科均報其勞南漢
日記
丁丑後以斥和事連累被拘灣上者甚多而多稱查勅年々出入
專事虛喝至庚辰則八勅來留三冬无厭之請同有紀極且日事
馳獵無所不到物力之蕩竭無可言而驛馬之斃多至三十疋
彼之設謀一則使我國力弊念不及他一則使我畏恟歆甚痛絕
南朝也八勅久留之際許多家丁悉給房妓遂以巫女私婢充定
而猶患不足或四五人給一婢言也可醜每念當時事人皆心寒

考為三冬勅使云

龍溪錄

丁丑三月初九日清兵歸路駐迫我師收糧島中朝都督沈世魁
死之方島中殺伐之時漢人呼罵曰天朝在朝鮮有何難乎
背漢從賊怡然殺戮至此慘耶聞者莫不墮淚且前日遼人之
分置三南居我土日久與軍人結厚上年同朝命副還糧島至
是見我兵之所辱者思求生活而清人廝殺無一原之或有走
入抱持願暫獲匿之見手足異處慘矣慘矣

全

孝廟在藩時日與諸臣慷慨語曰此正難得之機會也汗之人
王所領盡是精銳而今盡入一網中若以我五千柄馬銳向汗
幕齊發則非但前恥快雪殲滅此類正在今日雖有餘衆如蛇
之無頭鳥之無翼也又以大隊雄兵遇之則藩陽不日可得也

諸臣莫不驚惶泣訴東宮東宮抱持孝廟苦勸任以故事不

諧此時洪軍門

明將洪承疇也

督遼薊全是以征虜前將軍率三十万

來援錦州軍鋒大振兵勢甚銳直前汧兵正好廝殺我國數千

柘崗銳一將齋發瞥眼間洪陣中精兵烟滅積尸如山洪兵大

敗

全上

英宗戊申三月逆賊李獐佐締結中外舉兵而起獐佐即故監司

雲徵之孫居清州松面村與桐溪孫希亮南冥之後曹熊輔

通謀嶺南一道主張命湖南則羅州羅悅致等主張交通而

恭仁縣監朴鰲顯起兵助之鰲夢以前叅判同謀閔西則平兵

李思晟內應則龍串大將南恭徵所在響應合十五日夜乘風雨

勢清州殺兵使李鳳禪兇鋒北上先是自丁未秋間京外騷屑
云邊山有賊至正月初都人訛言賊至彰義門外閤闌一夜波
蕩移時乃定亂前數日中外騷屑並感京城士大夫多繫家奔
避南山一帶尤甚是龍仁人安鑄因奉朝賀崔奎瑞告之奎
瑞疾馳百餘里夜詣備局告變 上命諸軍門分守城門津渡
以防非常以金重晃為巡討使命出征重晃有還道之狀兵書
判書吳命恒進曰主辱臣死臣請自往勅賊 上即命差四道
都巡撫使朴續新中軍朴文秀趙顯命為從事官時清州牧使
朴鏜棄印符走匿山谷間以狀報備局十八日夜後報始至關
內外大震諭都巡撫晝夜往討之命恒始行軍到東川見旗亭

方得親精悍可用信為心腹令作間謀遂清州賊陣得賊謀監
商弟者始知賊自鎮川分兵一向竹山一向安城二十三日官
軍到素沙改路向安城為先人奪人計及到安城日已昏獲
賊謀詳得賊情探其囊得李鳳祥貝纓俄而賊犯營砲喊繼起
時風雨大作柴燃未設一步不可辨軍馬多不食眾心頗遲
命恒堅卧不起設為饋士卒野睡如常陣中賴安時賊屯於那
之青龍山中只知王師之向稜山不知已到安城翌朝始覺之
急上山結陣建紅傘以白旗指揮官軍失地利教鍊官權喜學
謂李万彬曰君非壯士耶何恟也萬彬慨然曰吾當死之躍馬
先登軒賊大將宗元懸首旗竿鼓噪而馳山上望見奪氣弓砲

且沾夜雨不可用時東北風急賊在西南官乘風盡力而上賊
勢益縮棄旗鼓四潰追斬百餘級日未午飛馬報捷償新陽鼓
角旗上累、懸賊首而坐士馬欣躍翌日又先據竹山之陣頃
刻賊在嶺底數十步猝見官軍勢大驚潰時西風倒吹旗幟
有祥官軍氣益盛馳下峻坂勢若崩山直抵竹山府前賊前
放炮揮旗衆不應遂大潰官軍四面掩殺偽副元帥鄭世胤桀
逆尤甚禽而肢解之擒佐走投山寺村民中寓寺與僧人捕
納檻送京師斬于軍器寺前諸賊將悉捕誅之四月初熊輔希
亮等又聚衆於安陰峽川恣食穀掠奪軍器巡撫軍泮于雲
峰之八良峙善山府使朴弼健遇賊于居昌牛合山下先據地

理昆陽郡守禹言領兵而會賊又潰散遂捕熊輔希亮亟首送
京師顯軍潰而逃尚州人朴東言誘擒斬之取夢拿來於海監
逃縣所庭鞠斬之諸黨悉平四月十九日巡撫使振旅還朝

勦亂
銘

附攻戰

世宗己亥倭寇底仁又圍節度使李思儉於海州以領議政柳廷

顯注誣之斬護甚多及還

上幸樂天亭迎慰

勳尊銘
解軍兵

世宗癸丑娑鰭江野人突入閭延剽掠人民以崔潤德為都節制

使往討之潤德會平安黃海軍馬五千于江界令李順蒙向李滿

住寨又令崔海山李恪李澄石金孝誠洪師錫等分向諸寨斬獲

四百餘人凱還上御勤政殿宴慰之親執酌賜潤德等又令世

子行酒令潤德勿起受酒陞拜右議政

李燾西
証錄

金宗瑞之死李澄玉時為咸吉道節制使素以武勇稱世祖密

遣朴好問輕騎疾馳代澄玉行一日疑恠晨甲趨还好問營言有

訖事好問出對澄玉擊殺之部勒軍馬移書野人自称大金皇帝
定都于五國城野人皆服澄玉將越江行至璦城會日暮判官耶
掠夜卒死士突入殺之

東國雜記

世祖丁亥吉州人前府使李施愛謀叛殺即度使康孝父又殺觀
察使申淵遣其黨賣書來達上命璦城君浚為都摠使曹錫文

為副陞魚世恭為本道觀察使起復許琮為節制使康純魚有治
為大將往討之大戰于洪原又戰于北青又戰于蔓嶺賊未高掘
險我軍不得上有沼潛以小舟載精兵着青衣混草木色別由海
曲繞出上峯俯瞰鼓噪嶺下軍亦奴附以上賊遂潰施愛還走吉
州欲入虜中本州人許由礼諭賊黨李洙黃生等擒施愛來降斬

于陣前傳首師京師全

世祖丁亥皇上有夾攻建州三衛野人之命時新平李施愛上

命魚有沼及康純南怡等率軍赴之有沼直擣巢穴斬馘無數斫

樹白而書之曰某年月日朝鮮大將魚某滅建州而還天兵後到

見白書聞于帝上降勅賜白金五十兩緞纈各四疋成宗己亥

又因天朝命右議政尹弼商領偏師往征建州衛大捷中朝降詔

褒美全

成宗辛亥居麻車野人寇北邊殺鎮將以許崧為都元師李季全

為副發大道兵二万十月渡豆滿道踰鬱池嶺焚蕩賊巢國朝典謨

中宗庚午四月倭寇釜山殺僉使李友曾進臨東萊熊川命左相

柳順汀為都元師以柳聃年黃衡副之討平之

祥官
雜記

明嘉朝黃海道強賊林巨正楊州白丁也自圻甸至海州一路吏民與之密結官欲搜捕輒先漏通以此橫行元忌官不能禁朝廷使宣傳官哨探賊倒着麻鞋使見者入則謂之出、則謂之入以亂其踪跡宣傳官往九月山見其跡以為出而徑還朝廷又使改淵豐天等四五武倅往捕聚于端興賊乘高俯瞰亂夫如雨官軍皆潰自後數百里之間道路幾絕或言賊黨充滿都城朝廷令五部計左作統以譏察之以南致勤為討捕使往討之賊入九月山勢漸窮蹙巨正越壑而逃致勤盡獲民丁作人城自文化至載字一石一幕箇搜探巨正奪騎軍士馬向山後去撓攘之中初不知

為賊魁其黨之先投降者徐林遂呼曰賊也遂亂箭射殺之

齊肅
雜記

明宗乙卯倭賊六十餘艘寇金羅道灵岩郡守李德堅被擄兵使
元績敗死長興府使韓蘊城陷死監司金澍使全州府尹李潤慶
守灵巖朝廷以李浚慶為都元帥沈守慶金貴榮為從事官金景
錫南致勤為左右防禦使進駐光州賊圍灵靈軍中常夜驚潤慶
張燭出大廳戒勿虛動久乃寔浚慶貽書勸出城潤慶不納再來
使射之遂不復來潤慶先伏弩且設菱鐵於道使才人着彩服踴
躍呈戲賊張翼而追之多死於弩鐵不敢深入刊隊爭覩優戲致
勤等自後掩擊尽殲之浚不敢更犯

全上

光海戊午 天子命本國發兵討北虜之犯過者以姜弘立為五

道都元帥平安兵使金景瑞為副發五道兵二萬赴之己未正月
弘立等渡潦三月至浪河宣川府使金應河為左營將順川郡守
李一元為右營將兩元帥居中營朝廷以平安監司朴燁分戶曹
叅判尹守謙督運糧餉燁承密令故違留不繼餽三營卒不食累
日不能行步而劉提督繼督令進兵初四日到富寧嶺距建州

敗奴

六十里距我國昌城三百里天將先行我師繼進忽見回驍起烟塵
漲天乃賊也俄而賊果薄劉提督一軍盡歿左營告急弘立令急
赴救未及往賊勢如風雨遙見夕陽下射矢如錐鉄馬進退恍惚歎
瞬息間兩營皆覆應河及雲山降李繼宗永柔降李有吉右營千總
金光卿兵糧左營千總金佐龍皆為賊害弘立等遂為貴顯今所拘去

李民安
張泰

三月三日我軍踰牛毛嶺元帥營在嶺上左營在嶺下平地翌日
山前見敗軍帶矢及刀劍傷流血者注來投我軍知明將劉春
列經奮兵先為虜所敗我軍譁左營戒陣勿納敗軍俄而虜大全先
犯左營應河環設拒馬木於陣上分隊放炮虜騎沮不能突顏行
挫累進累退時弘立以全師在嶺上左營蜂午告急熟視不為動
兵多取敗馬連屬之鐵騎隨馬復以兵兜馳馬奔遂決拒馬木
左營砲發虜前者顛後者蹂躪而進左營兵單不能支師遂潰應
河失馬步就大柳下猗柳自射殪者甚多虜兵墻立林列而應河
所立百步之內常廩如也數食頃虜始亂進而應河死

集

事變

端宗三年乙亥六月十一日傳位于世祖出慶會樓下召光

廟讓位授之大宝光廟涕泣辭不獲遂遜于壽昌宮昌德宮昏夜

无火下鍾樓時左右行廊皆笑止之不得禪讓之謀始於謀臣權

擊而成於大臣鄭獬趾內官金自仁時年十二見其議駭如火

燭云秋江冷語乙酉
事案五功勳略

丙子正月領議政鄭獬率大曹叅判以上啓曰臣等前請之

事近因國家多事未暇仰請日望速決毋留傳曰卿等之言

是矣自古帝王之興必有天命子之事亦天命也雖有奸人豈

賴上王而竊發秦者胡也天命豈可圖之更啓曰不可委

之天命當盡人事耳請出居于外以避嫌疑上手札勉從令

修理瑜家

錦城官

嚴其防禁設政府政上三殿酒府宦官二人

長番宦官二人差備連古赤四人別監四人並分二番侍女十

人水賜二人卜只二人水母二人彥子四人兩別室侍人各二

人水賜各一人各色掌十二人分二番德寧府官負輪次盡直

夜則三軍鎮撫把門直宿

從之

魯陵志

丙子六月二十八日降封

上王為魯山君安置寧越郡錦城

大君瑜于順興府初成三問等密謀各復事覓被收盡誅死

於五月及六月二十一日百姓金正水言於藝文提學尹士昉曰

宋璵壽等

上皇國舅

將謀逆

上御思政殿召鄭麟趾等下璵壽于

禁府仍下教曰前日成三問言上王預其謀宗親百百合辭

以為得罪宗社不宜安居即京子固不允欲保初心到今人心未定煽亂之徒遙踵不息予豈以私恩也大法臨臨郡設降封魯山君出居寧越以保終始命令知魚得海卒軍士五十護送

全

魯山發向寧越

上命宦官安路錢于平陽亭魯山謂路曰

成三問之謀吾知之而不啓是吾罪也

魯山之在越也每清晨出坐大廳着袞龍袍據榻而坐見者無不起敬時境內旱焚香自禱天雨輒注

全

丁丑十月錦城大君瑜謀復魯山事竟而死魯山死初錦城王順興每與府使李南欽擁慨流涕謀結南中武士自難之

則僧乃胡僧楊璉之流而其奸臣等取指揮者字天長地久恨其可廢魂至今猶漂蕩誠可哀哉

全上

魯山遇害命沈于江玉牀泛泛泗水去而復還十指纖纖如玉浮于水面浣吏家有茶棺初為老母設也乃潛收玉體歛以葬之未幾又有昭陵之變又命掘而沈之更不忍掘佯若掘去而還掩之至今不廢香火云

全上

成宗恭惠王配

韓氏

薨逝陞淑儀尹氏為妃

贈左議政起蘇女

成化丙申生燕山寵隆驕恣妬忌諸媛

蘇氏

不遜於

上一日

聖顏有瓜痕昭惠大妃大怒激成天威大斥尹氏將順獻

議既出松笄尹氏日夜号泣縊之以血上遣內監廉訪昭

惠教其宦對以枕沈艷粧無悔意遂加罪焉尹氏以拭淚血忱

付其母申氏

或云

曰吾兒保全以是告哀怨且奚我輩路伴瞻

車駕遂葬健元陵路左及昭惠上賓申氏交通內人潛訴尹

氏之寃且上其忱燕山嘗以恭惠妃為親母及聞其事愕然取

見時政記發怒獻議大臣及奉使人皆剖棺斬尸碎骨飄風緣

坐八寸嚴鄭二淑仅及其子安陽風陽皆置桎梏立祔廟今宗

祭如原廟

朝鮮
記開

燕山天性刻酷荒悖沈湎酒色昏弄祭祀憤世見黜怨及成

考專事報復杖殺庶母流竄言官亂人妻妾三年通表忍斬其

制先王陵寢盡為允塞先聖祠宇變作梨園淫戲之而綱常掃

嶺移奉魯山于順興同為重複計一日召甫欽卓檄父有曰挾

天子而令諸侯嚆敢不從順興官奴為反唱者潛匿壁中仍文

通錦城官侍女竊其文奔走上京時基川縣監者聞其事督騎

三四馬疾逐奪其文先入京上變錦城南欽皆被收死南中士

人亦多死

或云甫欽知反唱竊檄上京身先後誅朝臣請處置魯山以

絕民望遣禁府都事王邦衍奉賜藥劍寧越踰蹈不敢入邏將

以時刻遲誤立而頓足都事不得已入伏庭中魯山具翼善冠

袞龍袍出御堂中問所以都事無以荅有一頁生常侍魯山者

請自當之以一條弓絃繫頸而絕

以長繩從坐後窓穴遙以布帶縊之

是二十四

日酉時也將年十七

頁生行未出門九裏流血即斃

侍女從人爭授郡之東江

浮尸滿江是日雷雨大作烈風拔木黑霧漫空經日不散

魯山常御客舍村氓之邑中者輒來謁樓下及過堂之日村氓
又以事入官路遇魯山乘白馬騰蹕上東谷去氓伏謁道傍河
官家將向何處魯顧謂曰吾將往太白矣氓拜送入官則已通
玄變矣

初鎮撫來莅刑適自盡暴尸于外送人邑宰莫敢收斂郡吏蔽
興道往來獄街哭泣備棺率吏民營塋瘞于郛北冬乙酉一日
有羊少僧人來哭甚哀自言有通名蒙恤之分望連數日一夕
負尸而逃或云焚之山谷或云投之江中今之冢墓乃虛假之
塋也二說未知孰是若以佔得之文觀之則投江之說無疑然

地罪惡臨天前柳子先後任士洪相繼逢迎爭信其奸故也初

成廟廢尹氏

燕山之母

尋賜死于茅燕山以尹弼高韓致亨韓明滄

鄭昌孫魚世謙沈滄李坡李世佐金承卿權柱李亮均成後為

二大奸碎骨飄風盡殺子孫婦皆定屬婚亦遠竄認麻之親決

杖分配洪貴達權達手等諸人或以言官或以金宗直門徒皆

被誅戮迨及遠親成廟後宮嚴氏鄭氏以廢妃之故打殺內

庭其子安陽君恂鳳安君恂及族親分配絕處尋殺之同日恂

恂已絕於國其妻全嫁他人所生許通仕路恂妻給甄城君恂

妻給寧山君皆令作翁主初納田非絳衣沈盡日甚常曰謝安

人臣尚攜妓東山况人君子甲子以後娼妓有姿色者遂及于

內始百穀終萬計改妓号曰運平入內者曰興清曰純平曰
續紅近入者曰地科興清經幸者曰天科興清分設閣院曰最紅
曰雪英曰趣香曰含芳曰醉春曰繪綠曰清歡曰彩霞改掌樂
院曰聯芳院所畜各千數房妓亦稱是皆以京外公私賤充之
又於刊邑皆設運平以備上送置獲花庫以應其供饋鋪染署
以供其奉祭置追惠署以供其喪用置杜陽護諸司以為大行
後與清入置之昨又置興清係人名曰護花添春奉人塚舍曰
民給之分遣大臣補紅駿體察使大搜京外公私賤及良家處
女倡妓分置各院興清死則補麗續墓遣官致祭孝思墓稱為
永惠室置興清神主祀事皆如先王陵寢清平所着之其初微

舊夫繼歛於民之產殆盡士大夫妻入參內宴者令書其夫姓名於衣襟有姿色者令綠衣誘以梳粧不整引入幽房留宿禁中考多月山大君妻祿為世子養母常留禁內成石後宮南氏亦見昵醜群外播梓官在殯手射先王馴養之鹿烹煮以啖先王諱日用樂食肉如常各陵寢香火並廢不舉以鄭誠謹李華為成府服喪至加誅戮凡旋表閭盡令撤去置應雉坊于後苑八道鷹犬及珍食奇獸無不窮搜取米生捕熊虎柙真園養浚寢諸山為時出獵奪民耕墾出入慶會樓池而作綵棚於其上一曰萬歲二曰迎春三曰鎮邦三山高聳窮極壯麗宮殿寺宇連絡隱映自製詩曰壯氣仙峰聳碧霄神鰲靈鶴應時

稠群英咸宴忠職合孤克米因謫腑焦霧閣雲窓龍舸迫雲梯
歌管鳳樓遠是誰留玩勞民力都為朝鮮表壽饒都城四面而
里立禁標為遊畋之所常以單騎幸一小宦不計晴雨馳騁注
來別設鷹師萬餘常隨田獵晝夜遊宴稍以小舉動自社稷後
北洞全興仁門盡撤人家立標圍棘自仁王站至馳駱峯大發
民丁築減草楊廣高陽等邑盡逐其民以內需司奴婢佔之禁
四門不通人行又禁津渡只由露梁行旅甚苦植株亦絕昌德
宮慶會樓間連造假家三千餘間欲引楊花渡水鑿通彰義門
使都監審度水道將於明年始役不及焉如尊瑞軍等軍鑿
池軍造官軍造殿軍所材軍流材軍一時調發民間騷擾家無

留丁流離失所十室九亡崇禮門外露梁之間積尸如山主自
知其惡恐有言者廢徑遙司諫院弘文館減持平二負冗上疏
擊鼓等事一切廢之又用刑極慘剖棺軒尸碎骨飄風為常典
羅織成罪小不容宥即任後日記史草直言謹論盡令剗削家
藏史草亦皆收入又尊崇受号曰憲天弘道經天緯地同領賜
自古荒政之主未有若此之甚者

密事
奇聞

貞顯大妃憤燕山所為沈綿床席間撲殺嚴鄭二淑儀遽起坐
曰此亦父王之後宮何至是耶主以頭撞后玉體后曰凶惡哉

遂不復言

設間
瑣錄

燕山淫昏穢德教戢無辜人心亾散宗社將危知中樞朴元宗

前叅判成希顔吏曹判書柳順汀首建廢立之議恊謀決策與
司僕辛允女刑正朴承文府使張珽聯芳院正洪景舟密約正
德丙寅九月丁丑希顔歷抵武靈君柳子光及右相金壽臺
觀察使金勘喻以舉義元宗順汀會于訓練院子光及雲水君
孝承德津君濬亦至武夫健將不期而會夜三鼓元宗直進昌
德宮洞曰願相柳詢與金壽童贊成金浚鄭眉壽禮判宋軼等
來會軍民塞道先遣孝誠等詣晉城大君邸具告其由又啓于
大妃遂分送力士于左相慎守謹刑曹叅判慎守與左贊成任士洪
家禰命招出斬之闕內入直官爭出赴軍元宗等進軍闕門外
馳詣景福宮啓于王大妃曰今者上失君道致令守亂生民苦

於塗炭宗社危於綴旒臣等夙夜憂慮同知攸濟小大人心屬
望晉城久矣今欲推戴以宗社計敢稟慈旨乃遣順汀迎中宗
大王于祔第乘輦入闕順汀等曰自古廢立未有數罪昌邑王
耳須令善處當遣人往告曰人心已屬晉城事勢至此請避正
殿出大寶云則必從之遂使承旨韓恂宦官徐敬生詣昌德
宮告之則曰我罪重大固知有此願好為之即出大寶百官班
定遂希慈教于中外曰惟我國家積德百年深仁厚澤合于民
心以基萬世不拔之業不韋今者上失其道民心嗷嗷若墜塗
炭小大臣僚皆以宗社為重未稟廢立予惟廢昏立明古今通
義俯循群情乃迎晉城于祔第命即大位廢前王于喬桐

震事
奇聞

燕山配慎氏即守勤之妹也守勤之女又為中廟潛邸時夫

人方燕山荒亂守慎與姜屯孫同為相姜有廢立意適當赴京

一日與守勤從容言妹夫與女婿孰親守勤遽曰世子英明只

恃此耳屯孫雖然遂行日慮其言之泄未及還疽發背而卒又

正日朴元宗等使武士擊殺守勤並其弟守英守謙等中宗

即位翌日首相柳恂卒子光等啓曰舉義時先除慎守勤者欲

成大事也今若守勤之女入侍內大若正坤位則人心危疑、

則有闕宗社請割恩出外傳曰糟糠之妻何以為之屢啓乃允是

夕慎氏出寓河城尉鄭顯祖家時柳演全駿孫等竄湖南見社

稷將危欲立

中廟傳檄京師未至而反正

東閣雜記

燕山廢時成政丞希顏往告石相金壽童、曰此國之大事

吾何遽從一宰樞之言而奔走乎即卧于枕曰君持吾首去希

顏告以立大君之意則曰然則吾當往矣君先去及廢後金典

籍詮為之下次張規登順孫為之鼓舞

前言行錄

中廟朝承旨金正國權撥啓曰恭順公芳蕃昭悼公芳頤俱無

嗣世宗庶以庶辛大君興為恭順後錦城大君瑜為昭悼後

至今頌仁親之意况燕山祖宗懿親燕山上躬至親皆君臨一

時永絕不嗣甚損殿下之仁請立後眾議紛紛竟未行

退溪集權

狀

宣祖丁未冬前叅判鄭仁弘上疏請傳位於世子

光海也

斥領相

柳永慶之阻撓請正謀危宗社之罪云云戊申正月傳忘記曰
鄭仁弘欲令世子速受傳位其自為謀則得矣自以為不世子
盡忠而其宗則不忠甚矣余心不安夜不能寢食不下咽矣仍

命仁弘李慶全李南瞻等竄江夏

日月錄

宣祖大漸傳一封書於諸大臣外面書遺世子內曰親同氣如
予在時永昌大君人有譖之慎勿聽也敢以此托之又一封外面書

柳韓中許朴徐韓內畧曰扶護大君語意懇惻七臣柳永慶韓

應寅申欽許歲朴東亮徐渚韓浚謹也

新澤錄

癸亥反正之後吳楸灘允謙訪栢里李元翼語及七臣事李

相垂涕曰噫永昌事宗宣祖啓之也宣祖有此心則但

當於燕閑之際以愛永昌如予在時之語教諭諄々於光海以期感動其心使光海聞教惕然則雖無七臣之輔護他日之安可卜而光海終無哀矜之心則遺教七臣適足以益其褻耳使七臣不有遺教之事則當永昌論死之豈可以面折廷爭冀回其心以其受遺詔之故光海疑之以心懷異圖七臣雖欲為永昌一言而死不負先王遺教勢不可得已聖慮不及於此使愛子死於非命豈非天耶涕泣不已吳公涕

曰此可謂後世戒也

公私聞見

癸丑右相鄭仁弘劉陳先除柳永慶等七臣以折永昌羽翼蓋有先廟托孤之令故也柳竟極律剖棺斬尸六臣並竄

日月錄

癸丑故相朴淳之廢子應屏與徐羊甲結黨為盜捕盜大將綿
大君曦光海親鞠賜金帛男死李甫瞻李偉卿喉臺官請殺永
昌先朝大臣李元翼李德馨李恒福沈壽眉死連劄爭之不得
時永昌甫八歲宮中賈奈之際死別之慘不可言城中之人無
不掩泣慈殿謠書日記傳于世遂竄永昌于江華甲寅正月初
九日三陽並出白虹貫日再以鄭沆為江華府使永昌大君暴
死

沈喜壽光海朝相臣也癸亥永昌大君構棘江華終不得良
死沈公來見鄭左相呂衍垂淚而言曰主上宜抱置大君於
膝上昭以果案曰有賊欲害汝余在勿驚如是則可以隸

先王在天之灵而令反有此不忍為之事必不得我邦家矣

先臣恨不穿袍衣袖盡還

公松
闕見

癸丑五月十九日進士李偉等二十人上疏略曰世后內作巫
蠱外應逆謀母子之道絕矣王子為賊所戴得罪宗社兄弟之
恩斷矣又曰聖人於春秋每以孫書胡氏於綱目張東之云々

館學儒生齊憤大會于泮宮將二十人削籍仍上疏請罪以李
安真為疏頭七月十一日檢閱嚴惺承及博士尹烜副正字權
鏞咸均學正羅茂春校書著作金相潤會承及院刊書二十人
姓名次書罪目曰動搖國母罪闕綱常李偉卿李衍成夏衍尚
恒崔護尹伸韓膳李生宣李日馨蔡謙吉黃德符申垣南省身

徐國植安應魯韓職韓昭趙濟仁禹邠邠禹邠也十三日光
海特命嚴愷遶差仍刑點兩司啓曰尹烜等四人徒知邪論之
附會不識討逆之大義承愷嚴愷風旨二十多士一筆盡得物
情驚駭請並刑啓三而允傳曰四館官負牌招李偉卿等解傳
成均學正沈樞校書博士韓王即日解傳被遣

甲寅右相鄭仁弘上疏請廢世比大妃於哀姜文姜甫贈偉卿
等仇之乙卯幼學趙漫上疏曰臣聞人倫有五而父子居其先
故百行之源孝一字而已舜之所以為法於天下可傳於後世
者以其有頑嚚之父世而能使底祿而已意疑雖不慈於殷下
獨不以大舜之所以事親者事之乎今之數意疑者一則曰世

道已絕矣一則曰顯有當絕之惡痛矣哉言乎夫對人子言父
母之過雖於閭巷小民且有所不敢為而敢於吾君之前忍舉
慈母之惡是以不敢待閭巷小民者待吾君不敬莫大於是宜
置大不敬之律而律不加身爵階華顯此臣民之所以駭耳目崩心
志不能自己者也又日記曰父母之所愛亦愛之至於犬
馬盡然而況於人乎以此規之則殿下之於大妃在所當愛乎
在所不當愛乎大妃乃殿下之慈母也母子是情天賦常性寥
廓舊宮與鬼為冷先王之以大妃托殿下者必不欲如是而
已一夜之間殿下之心亦無惻然乎云云後等年二十八能抗
大義呈疏人皆失色後言語自若光海怒加刑訊繫獄多年至

癸亥蒙恩除昌寧倅未幾卒

錄日月

丁巳冬賊臣甬贍等侶廢母論陰懷鄉儒日授函疏先誣金部
堂會議李相怙福議曰誰為殿下盡此計者君父之前非先舜
不陳虞舜不幸父頑母嚚常欲殺舜而舜号泣怨慕不見其不
是處誠以父雖不慈子不可以不孝故也春秋之義子無離母
之義况母也妻者白也母誠孝之重夫焉有間耶云云領相奇
自獻議曰國史記之曰某也擅廢之云云則非但請得罪於可
古公議亦必為殿下之羞矣又引周鄭秦漢故事而立異司直
鄭弘翼議曰郡臣不能贊襄聖孝齊美帝舜乃設此無前之事
伏願聖明遠法堯舜克盡誠孝云軍器寺僉正金德誠設臣一

片愛君之誠與李恒福鄭弘翼一也云々西司合啓伏見部孝
等引虞舜處棄之道為言夫虞舜匹夫也雖見害於罵世褻
止一身舜之共為子職者舜之所以為舜也設令舜既在君位
而世之褻舜如此則舜雖以世待之為舜臣者其可坐視舜之被
害而不明譴世之罪乎云々又曰竒李鄭金厥罪惟均請並
團離竒配朔州李呂城改北鄭鍾城金穩城醒翁集
初配鄭珍出金海南終到謫所西司密啓曰地近蠻夷必有
交通之患請移北道改配金鍾城鄭慶源戊午秋又密啓通

胡移金泗川全上

壬戌江原監司白大珩連歸與南瞻等相議仰蒙於西宮仍除

夕難戲卒黨突入 慈殿潛避後苑一小婢密具御寢以死

云 宣廟夢告此變 大妃得以預避云

日月
錄

夕惟獻帝室突人

慈餘所建後苑一小碑皆同御寢以元武

云 宜如著此處 大妃得以願迎云

年 月

